

21

FESTINATIO  
B. VIRGINIS  
ELISABETAM  
IN VISENTIS

Latine, Græcè, oratoriè, ac poeticè  
pertractata.

à

STÉPHANO GRADIO RAGVSINO  
OCTAVIO CVSANO MEDIOLANENSI  
FRANCISCO MARIA RHÒ MEDIOLANENSI

Sem. Rom. Con.

*Accefferunt harmonica metra actionibus interiecta.*



R O M A E,  
Ex Typographia Francisci Corbelletti . MDCXXXI.

---

SVPERIORVM PERMISSV.

*Imprimatur, si videbitur Reuerendiss. P. Mag. Sacri Pa-*  
*latij Apostolici.*

**A. Episc. Bellicastren. Vicefg.**

*Imprimatur.*

**Fr. Nicolaus Riccardius Sacri Palatij Apostolici Magister.**  
**Ord. Præd.**

IXXIIII. præd. 1717.

**VIR-**



# VIRGINEM A FESTINATIONE DEHORTABATUR

STEPHANVS GRADIVS RAGVSINVS.



**P**ATIEMVR igitur Virginem, quæ flos est  
Virginum, ex Vrbe Nazareth, ipsa florum pa-  
tria subitò nobis ereptam in syluestria mon-  
tana recedere? patiemur hoc, inquam, nos,  
ò sodales, qui nunquam detonsis, diffusisq;  
semper nostrorum erga illam affectuum quo-  
dammodo crinibus, & ipso ætatis flore pietati  
Partheniæ consecrato Nazaræ Virginis

huius sumus? Christus, hoc est, bonorum omnium copia, ipsum  
Diuinitatis patrimonium, quo sumptus omnes mundi sustinet An-  
gelor gratiæ, atq; naturæ, Dominiæ visceribus nupero saturo reponi-  
tur; nos thesaurum simul allatum, simul ablatum auolare alio  
tolerabimus? Hanc si virtutem patientiæ vocatis sodales, ferocia  
mihi præclarior est. Hanc si normam prudentiæ facitis, malo desi-  
pere contumaciter, quam sic stolidè sapere. Abeuntem igitur Virgi-  
nem vnus pro omnibus ita compellans, quantum potero, retardabo.

Mirabar quorsum euaderet sermo ille prolixus Angeli tecum,  
ò Cælitum Augusta mirabilis. Et primò quidem veniebat in men-  
tem, ut olim Abrahamo statim à diuina colloquutione egreden-  
dum

dum fuit de terra , de cognatione , de domo sua , ita cum primum in diuini oratoris venisti colloquium, è paterno solo recedendum tibi fuisse . Verùm contra se res habet, nisi me fallit amor præsentia tuae . Oppidum enim , quod reliquit Abraham ex impura Caldaeorum vicinia profanum erat : Ciuitas verò, quam deseris, Nazarenorum est , separatus , inquam, à turbis contaminatis locus, totius Palestinæ delubrum , sanctissimis religionibus consecratum ; vt si alibi habuisses domicilium , nunc enim uerò plena Deo, in hanc Urbem Nazareth , hoc est in habitationem Deo sacram, recipere te magnis itineribus debuisses . Sed fortasse festinatione præpropere interius aliquod penetrale Numinis , Hyerosolimam vsq; petis , vt propiore gratia tibi Deum adiungas, actura gratias in augustissimo templo Salomonis : quasi tu post angelicam congressionem Propitiatoriũ facta ipsa non sis, quæ non Legis tabulas seruas, sed ipsum possides Legislatorem . Et cursores quidem in stadio summa celeritate properant , sed , vt palmam adipiscantur : obtenta enim meta , ac præmio , conquiescunt , omnisq; natura sine percepto intermittit actionem, ac motum . Tu verò, cum ex diuino conceptu , bonorum omnium metam attigeris , palmamq; tuleris felicitatis immensæ , quid cursum instituis , & quò volas ? Aquila enim volat ad escam , sed ea comprehensa consistit : tu cibum , quo Mundus omnis alitur, visceribus iam tenes , & auolas . Nemo te profecto insequitur . Satis citò , si satis bene : breui moriuntur herbæ , quæ nascuntur breui : robustiores quippe arbores efferuntur tardius , & sicut vulnus dilatione redditur insanabile , sic remedium , quale tecum habes, immoratione reddit optimam sanitatem . Sed Zachariæ paruulus infans tua iã dudum eget opera ægrotus in vtero : accurrat ad nos Elisabeth, quæ Prodromum gestat in sinu : cur munus illius anticipas , cur præcurrimus præcursori ? Illa quidem anus effoeta Ioannem occlusit gremio sagittam electam , qua nihil fertur velocius : festinet ergo . Tu quæ Christum, hoc est catulum Leonis ascensurum ad prædam, visceribus accepisti tuis , lentè progredere : tardè succrescit ille , quid properas ? quæcunq; egregia futura sunt, serò proneniunt . At ego nunc serò tandem festinationis tuæ causam intelligo : nimia familiaritate cælestium, quæ perennibus aguntur cursibus , motibusq; celerrimis , humanæ tarditatis oblita in mores altissimi ætheris degeneras ; sanè tu in sublime ra.

me raperis imitatione factorum, vitæq; tuæ ducem, & officiorum magistrum vnum Cælum attendis: circumspēcta, quæso te, pellucētem æthera fortibus oculis ( si tamen oculos à Sole, quem circumfers tecum, potes ad vulgaria hæc astra deiicere ) videbis orbes illos, astorum sedes volubiles, quò sublimiores sunt, eò tardiores ambitus circumflectere. Cum ergo supremum fastigium nunc primò teneas sanctitatis, & gloriæ, infra quam curricula sua peragunt virtutes hominum reliquorum, quò repente euolas, quid te vniuersam profundis? cunctari maxime omnium debes, sydus minimè erraticum, & cynosura mortalium. Sed, vt video, non ad stellatorum corporum disciplinam erudiris amplius: mentium empyrearum fingeris institutis ac notibus: ex quo enim te postremo sermone imbuuit diuini Caduceator amoris, stare loco non potes; meram cōbibisti naturam Angelorum, quos ideò nudos, & expeditos, alatos ac volucres pingimus, quòd Deus illos vt præcones suos, ac nuncios instar ventorum, atq; flāmarum mobiles, semperq; actiuose fecerit. Verum aut ego desipio, aut quid tandē sapere te docuit hic magister? Neq; enim tu administra Cæli, partes nuncij, aut tabellarij suscipies ex conceptu Numinis, imò verò Domina, & matrona Cælestium, Dei nupta, & futura Genitrix cū sis, naturam non angelicam illam volaticam, & inquietē sapere te decet, sed planè diuinam, hoc est maiestate, & lenitate plenissimam. Deus enim ille, qui fecit Angelos suos spiritus, & ministros suos ignem vrentem, de se cū Eliâ locutus, voce delata per spiritum grandem, flammæumq; dicebat: Non in commotione Dominus, non in spiritu Dominus, non in igne Dominus, sed in sibilo auræ tenuis: illius, opinor, auræ, quæ conclusa in horto per flores rosarum, & lilia conuallium spatiatur semper, idest procul à Nazareth volitare non solet. Verum si tandem Vrbe Nazarena cedere decretum est tibi: vide quò velificeris auræ huius aspiratione tam valida. Iuga montium petis inculta, atq; deserta, itinere longo, vario, aspero, saltuoso, prærupto, infesto etiam latrocinij, puella cum sis, ætate mollis, viribus imbecilla, peregrinationibus insueta, ex pudore tarda, ex conceptu etiam timida ne quippiam dāni sequatur. Quid si medijs ex alpibus, montibusq; ceraunijs exul postliminio Patriā repeteres: patria per tot discrimina, talibus incōmodis, tanta festinatione peteretur? Venit hic etiam in mentē nutrix illa præpropera, quæ filium Saulis Regis

gis educabat ; hæc enim cū saluti aliquando consulens, cursum via deterrima , & celerrima contentione teneret , puerum altero pede lædens claudum reddidit , & Claudium appellauit . Nihil tale quidem metuendum nobis est in præsentia ; infans enim, quem tecum vehis , vel ipsum genus humanum vacillantibus pedibus semitam virtutis ingressum firmabit ad cursum. Tibi potius cauendum est , ne cum cæli satu recenti grauida sis, quassata subitis motibus, locum des aliquem ægrimonix, atque fastidio . Sed fallimur . onus tuum leue est, salus est ipsa omnem leniens ægritudinem , mera iucunditas efferuescens , mera festiuitas efflorescens , vt ipsa abundi festinatio nihil aliud sit, quàm sensus æstuâtis primò voluptatis, exultatio lætitiæ gestientis . Verùm hæc , vt ita sint bellè , ac præclarè , tamen adhuc lentè procedendum videtur , vt quò magis beata iam es , eo minus efferri animo videaris .

## D I X I.



CVM

# CVM VIRGINÈ DE FESTINATIONE

DE LIBERABAT

OCTAVIVS CVSANVS MEDIOLANENSIS.

*Oratio Gracè habita Latine sic reddita.*



LII festinanter de festinatione decernant :  
mihî consilium est consultare : neq; enim ci-  
tius offerenti pretium mens humana vendi-  
tur : Sed si venales sumus, vendamur quam-  
plurimò . Ea propter intus , & in cute du-  
bitandum est : diès quippè certa speratur , si  
prius vacillet oriens incerta luce . Sic Pro-  
teus multifariam titubasse dicitur in fallaci :

bus simulacris , vt in vna deinde consisteret veritate . Igitur ad  
æquandam prudentiæ trutinam reuocemus momenta contraria-  
rationum , neq; cædamus à libramento, donec Veritas præponde-  
rans vel ad quietis centrum nos deprimat, vel ad itineris festina-  
tionem attollat .

Pulcra dicitur Nazareth , quæ relinquitur, sed potens est, ac re-  
gia Iudæa, quæ petitur. Et obreta quidem palma cursores desistunt :  
sed cum ad ciuicam coronam seruandus in vtero Ioannes inuitet  
nos, opus est venire , videre , vincere . Volant aues , vt capiant  
escam, sed cibo quoque recreatæ volitant ; plantæ etiam, atq; ani-  
mantes brutæ quò robustiores sunt , eò tardius enascuntur ; mo-  
mento tamen excutitur hominis animus immortalis . Et cælestium  
sanè orbium Superiores quiq; segnioribus feruntur circulis, sed su-  
premus diurna conuersione celerrimus est . Quid de mentibus di-

B

cemus

cemus empyreis ? Cherubim sicuti bouinis insistentes ad Arcam, pedibus tarditatem notant, ita pennis insigniti quaternis celeritatem docent. Deus ipse, qui per sibilū auræ tenuis Eliæ loquebatur Antistiti, legem Israelitico populo tulerat per tonitrua, & fulgura : modò quiescit in accubitu suo, modò volat super pennas ventorum : quamvis enim crura sponsus habeat columnas marmoreas, similis tamen est dilectus capreæ, hinnuloq; ceruorum. Si subita per valles festinatio Miphbosethum debilitauit pedibus, caput Moïsis auxit cælesti lumine mora, quam habuit in monte cum

Deo. At Ioannis munus est præcurrere : eundem igitur est, ut emittatur è vinculis. Denique si prætexas iter longum, & arduum ; quid amore nudo, pennato, volante velocius ? quid amanti denique difficile sit ? Illud enim uerò deliberanti difficillimum est : momentis rationum ita paribus ferre sententiam. donec igitur timor, aut amor litē adiudicet, consulte-  
mus.



VIR-



II  
VIRGINIS  
FESTINATIONEM  
ADORNABAT

FRANCISCVS MARIA RHO MEDIOLANENSIS  
COSMETA VIATORIVS.

Carmen

EROPARTHENICVM MARIANVM

Trimetri heroici cum trochaicis,  
canonici omnes.



CONSULTVM satis hoc iam . nunc  
facto est opus : aureo  
Sic puncto decreuit amor , propere  
re necessum est .  
Ite leues anima , verni suspiria  
mundi ,  
Et Zephyris aptate diem . mitissi-  
ma Diuum

Aspera nimborum , Solisque pericula tentat ,  
Conspirate habiles , & Solem , & nubila contra .  
Verum ego quid auras moueo ? quid ventos ago  
Male feriatus Aeolus ? partes mea  
Fuerant puellam celitum incuntem vias ,  
Nauigium olympi plurimo afflatum Deo  
Ornare ferto , & carbassis leuissimis ,  
Accingere , inquam , Virginem viario  
Peplo , costurno , pallio , cinctu , mitra  
Vt pulcra , tuta , diues , impigra prouolet .

B 2

Libertus

Libertus etenim Virginis magna in domo  
 Castè educatus, stirpe de venundata  
 Genitoris Ada, viuo cum vernaculis  
 Tinctura eadem stirpis quondam improbis :  
 At ubi caduco numine in Divæ sinum  
 Pressit tribunal gratia pupus Deus :  
 E servitute liberos misit manu.  
 Parthenidas omnes accolas, caelestium  
 Ritu, & Quiritum retulit in censum ætheris.  
 Ego tamen aliam servitutem hic servio.  
 Mancipium amoris sponte captum ex hostico :  
 Placent catenæ, ut alligat Domina magis.  
 At nulla cernis vincula, illas manus :  
 In corde gesto compedes, ibi verberor  
 Virgis amoris, equuleumque innoxium  
 Ibi patior, ibi gestio in Gemoniis.  
 Sed una mihi data cautio in presentia est,  
 Ut properè adornem Virginem ad cursum incitum,  
 Imò ad volatum : tanta festinatio  
 Gliscit medullis ; fulmen excepit, reor,  
 Satu recenti numinis Virgo hac parens.

- ,, Fulmen illa hausit profecto, fata amoris flamine,  
 ,, Inde montes quatit, aulam flaminumque & fulminum.  
 ,, O Gigantum quas ruinas cerno in uno hoc fulmine?  
 ,, Nos quid ergo! flabrum amoris corda si circumsonat,  
 Mar.3. ,, Si genas sumus tonantis, filij tonitruum,  
 ,, Fulminis matrem sequamur per procellam, & turbinem.  
 Ego verò ubi sum! celeritatis hic furor  
 Instar procellæ, ac turbinis mentem è sinu,  
 Memoriam & omnem maneris nostri expulit.  
 CHRISALE ego te compello pbrygionum optime,  
 Texterne amoris Dedale, & cali aurifex,  
 Deprome pallam hic splendidam, in qua flexile  
 Aurum imbuisi plurima argutum nota,  
 Regina charitum Caritas aurum dedit.  
 C7m. 4. Ibi vernat hortus arte conclusus tua,  
 Escl. 1. Cupressus ibi montana, campestris viret

Oliua,

Oliua , picto platanus assurgit vado ,  
 Libanotis astra cedrus exaequat comis ,  
 Dotale sponsi lilium emergit rubis ,  
 Inter sorores floreas hiericuntia  
 Maior minores opprimit violas rosa ,  
 Vt Domina reliquas Virgines vultu domat .  
 Quaecunque Salomon pronuba cecinit fide  
 Amoris argumenta diuini , omnia  
 Duxisti in aurum sericas inter vices ,  
 Vt crispula undas ? fulgidè opere , atque pretio  
 Saturata , textu varia , fastu regia est .

Psal. 44.

Haud aliter cum prima sui stipendia amoris  
 Expleret Salomone peregrina Virgine captus ,  
 Adstitit à dextris sponsi Regina superbi  
 Vestis inaurata vario circumdata limbo ,  
 Natales oblita domos , Regisque potentis  
 Iussa petens , animum bibulas exprompsit in aures .  
 Vnum male omisisi , opiner , Chrisale ,  
 Pingere acu , amoris fertilem historiam mei ,  
 Quo deperire banc Virginem ocepi furens  
 Sanè , atque sartè . longior sed ilias  
 Foret illa : tempus postulat , alias tibi  
 Dabo exarandos cordis annales mei .  
 Prome interim istam purpuram , Agni sanguine  
 Lotam , frequenti textilem palma , auream .  
 Dignam triumpho : certa nam victoria  
 Nostra hac Amazon vadit . Elisabet sinus  
 Exhibet arenam , perduellis Tartari  
 Praesto est Ioannis corde , ceu curru insidens ;  
 Sed Fulmine hostem Virgo detrudet loco .  
 , , Fulmen illa hausit profectò fata amoris flamine ,  
 , , Inde montes querit , aulam flaminumque & fulminum :  
 , , Fulminis Matrem sequamur , filij tonitruum .  
 CESTIE volo te adesse confestim mihi  
 Caelator admirande , qui leni manu  
 Euisceras metalla , gemmas vulneras ,  
 In arte dura delicatè barbarus ,

Aàcs,

*Ades, oro, cestum, CESTIE, affer asperum  
 Signis: fluentem Virginis firma sinum,  
 Calum, inquam, adaeto cinge Zodiaco meum,  
 Quod ego pererro stella non exorbitans  
 Noctu, diuque. cingulum, redde ocyus,  
 Cui fabricando sculptilemque, & scalptilem  
 Materiem adornat Castitas. una hac potest  
 Rapere subacti numinis amorem magis  
 Quam cestus olim Veneris infensum Iouem  
 Dicatur allexisse cytheream in facem.  
 Hic non Gygantum pugna squammatos Deos  
 Mouet in achate scetili, aut Amazonum  
 Crustarius triumphus efformat grauet  
 Zonas colorum transitu mirabiles,  
 Vt Palladem olim Phidias pupugit suam:  
 Sed pacis argumenta ventura mouens  
 Frequens columba plumulis argenteis,  
 Dorsoque fulgens aureis palloribus  
 Volat subinde smaragdinum supra mare,  
 Ramosque oliua gutture ostentat pio.  
 Haud aliter rigidum cum pacaturus olympum  
 Intraret pauidus torui augustale Tonantis  
 Fulgidus in cidari, limbisque sonantibus Aron,  
 Ductilis in girum plumari emblemate pictus  
 Baltheus urgebat medios ad pectora cinctus;  
 Strenua non mulier, metris celebrata vetustis  
 Talia permutans Cananeo tradidit vnquam  
 Cingula, diuitias cum pratergressa sororum  
 Transfigeret patrios peregrina merce labores.  
 At hic ministra numinis Virgo ferax  
 Minimo datura Calitum merces nouas  
 Longo meatu mancipem agnatam petit  
 Complura pondo gratiae secum ferens.  
 O huius utinam cara mercimonij  
 Vtura tangat me aliqua: in aurum soluerem  
 Animi medullas, nundinaturus mihi  
 Vel fanerato corde tantillum rei.*

Psal. 67.

Gen. 3.

Exo. 39.

Parab.  
31.

Quan.

*Quaquam Ioanni quicquid est lucri, obtigit,  
Thesaurus illi splendet, illi ponderat.*

*Sed huius auri splendor è Domina sinu*

*In nos refulget: imo fulgureum in modum*

*Euibrat artus. an (velut sermo tulit)*

*Et fulmen aureo igne conflare hic putem?*

*,, Fulmen illa hausit profecto fata amoris flamine,*

*,, Inde montes quarit, aulam flaminumque, & fulminum;*

*,, Fulminis matrem sequamur, filij tonitruum.*

*PHANISCE nunc te appello. non audis? cedo*

*Hyacinthinum mibi pallium: ut succinctula*

*Virago circum candidos humeros tegat,*

*Geminam & papillam, cuius ubertas famem*

*Ipsam Tonantis pascet. Ingenuus Pudor*

*Custos honesti textilem massam obtulit*

*Operi patrando. carulus quantum placet*

*Color ille? pluuiis sole guttatam iridem*

*Ex parte signat, Virginem plenam Deo*

*Serenitatis, cuius in vultu furor*

*Magni Tonantis detonat, cuius nitor*

*Pacem per vlnas matris annosa vebens*

*Spondet Ioanni saculum innube, aureum.*

*Haud aliter formosa p̄j Batuelis origo*

*Stirpem Abrahæ Rebecca thoris habitura superbis*

*Vt procul inspexit lustrantem passibus agros*

*Egregium iuuenem cara sibi lege iugandum,*

*Pallia purpureo superegis cæcula peplo,*

*Mox vultu propiore virum inter vota trementem*

*Exbilarans, nubem ex animo disternat omnem.*

*Sed cordis utinam nubila serenet mibi*

*Hæc Iris; utinam bella restinguat: meas*

*Nam castra dudum mouit in venas amor,*

*Meque innocenti praelio inflammat pius.*

*Non sic pyropus ille, quo Virgo plicans*

*Ceruici adbamat pallium, ardescit palam:*

*Vt intus ardet cor, merus carbunculus.*

*Verum pyropus clarior gremio latet*

*Domina,*

Gen. 24.

*Domina , per artem flantis inclusus Dei ,  
 Vbi primum in altis montibus refulserit ,  
 Præstringet oculos hostium . iam fulgurat .  
 ,, Fulmen illa hausit profectò feta Amoris flamine ,  
 ,, Inde montes querit , aulam flaminumque , & fulminum :  
 ,, Fulminis matrem sequamur , filij tonitruum .*

*SANDALIO ades huc , doctus ingenuos pedes  
 Ornare bullis , lunulis , crepitaculis ,  
 Stellare soccos fulgidis armillulis ,  
 Stellis & armillare consulgentibus ,  
 Argento adaesta tortili inuolucula  
 Sparsum frequentans aureo internodio .  
 Affer choturnos expolitos , impigros  
 Peregrina amanti . cuius hæc cali fuit  
 Captiua nunquam , nudipes ferri nequit .  
 E melis ergo pelle calceolos leues  
 Expone , quos colore cyaneo indicos  
 Arabica margarita baccatim asperet .  
 Gemma illa puerum signat in Diua sinu  
 Calesis ille congruit pedibus color ,  
 Nam supera scandunt feruidi , celum petunt ,  
 Stygij Draconis capite sed presso petunt .*

Ezech 16

Gen. 31.

*Iudit. 10. Haud aliter Viduæ monstrum admirabile formæ*

*Astuta Iuditæ ferox pietatis in armis ,  
 Fastitias vibrata comas , cinctuta beatas  
 Letitiæ tunicas , nardo irrorante papillas ,  
 Illustri syrias penetrauit fraude pbalanges .  
 O quantam illecebram passu crispante coiburni  
 Spirauere Duci . Syria de stirpe Gygantem  
 Iam Phrygium fecere Parim : iacuit resupinis  
 Corporibus . vigilans contra bethulis Amazon  
 Casariam complexa , caput dispecscuit ingens ,  
 Inde triumphalem cum vertice sustulit harpen .*

*At hic Virago nupta desponso Deo  
 Viduanda nunquam , noxium Ditis caput  
 Ioannis è ceruice depellet ferox :  
 Occuluit ensẽ flammeum sinu intimo ,*

Gen. 3.

Qui

*Qui non reposti claustra Paradisi tegis .*

*Flamma excubante : sed supernas in domos*

*Iter impeditum luce fulminea expedit .*

,, *Fulmen illa hausit profecto, fœta amoris flamine;*

,, *Inde montes queris, aulam flaminumque, & fulminum:*

,, *Fulminis matrem sequamur filij tonitruum .*

*VMBRILLE mentem aduerte, paucis te volo,*

*Qui Solis æstum nube complicatisti*

*Lenire nosti, profer æstuum mihi*

*Vmbraculum versatile, æstiva ut facis*

*Demitigare Diua contumaciam*

*Cicumvoluto machinamento quædas*

*Quamquam illa solem corde signifero gerens*

*Illustriorem, forte opacabit diem .*

*Certe Manasses, ille Iudithæ caput*

*Dum manipulandis messibus animum locat,*

*Phœbo per æstum seminante incendia*

*Commune fatum messuit : mortem intulit*

*Internecina luce. uiuentum Pater :*

*Contra hic beata messe fasciculus grauis*

*Inter papillas commoratus affatim*

*Lectusque gremio Virginis magna latet :*

*Innoxius ni fallor effuso æthere*

*Sol obuoluto lumine infantem colet :*

*Namque ipse quondam fronte veneratus pia*

*Sopitum Ioseph, iura regnandi obtulit*

*Diuinus Auspex, quicquid hoc tandem fiet,*

*Cauto est opus, nunc ergo propugnaculum*

*Salutis æstiva affer Vmbrille ocyus*

*Ut quæ alio ab igne iam calscit plus satis*

*Bona Diua, nostro more non exæstuet*

*Haud aliter scopulos Arabum cum Moise magistro*

*Cara Deo premerent duodenis agmina turmis*

*Æthere siccato pluuijs arsura fauillis :*

*Ecce tibi medio fuscata in Sole columna,*

*Nubigena superum digito compactile donum*

*Abiit & tonitru sterilis, nec fulmine fœta*

C

*Æstivumque*

Iudit. 8.

Cant. 7.

Gen. 37

Exod. 13  
14.

*Aestiuumque diem nocturno albore sefellit.*

*Sed fallimur profecto: non umbras amat  
Apoc. 12. Trabeata Sole mulier: imo operam male  
Perdidimus omnem: nempe nec nostros volest*

*Apoc. 12. Induere cultus: cerne: stellarum aureo*

*Mitrata ferta est. Delia patritios*

*Pedes reuinxit, Sole tunicata undique.*

*Quid agimus ergo? summa votorum fiet*

*Posse fugientem persequi, & si opus fuit,*

*Velamina hac connedere mutatoria.*

*Sed illa subiti terga ceu Zephyri premens*

*Volat per auras impetu acta fulminis.*

*Ego hic relinquor: facta voto baud consonant.*

*Vt modò volebam per procellam, & turbinem,*

*Aquilone, & Austro, Zephyro, & Euro promptior*

*Volitare? Nunc vel plumbea testudine*

*Sum tardior. quanquàm animus ubi nunc est meus?*

*Restant pedes: mens nulla. nempe abiit volans*

*Domina auolante. taceo. nam secum illico*

*Si cor abiit, consilere hic lingua baud potest.*





19

AFFLATAE DEO  
 PEREGRINAE VIRGINI  
 COMITATVS FLAMINVM  
 TEMPERAT  
 METRICEN CONFVSANEAM  
 PERSONÆ

Aeolus, siue principium, & causa naturalis  
 Ventorum

CHORVS VENTORVM

*Boreas, Auster, Eurus, Zephyrus*

ECHO DVPLEX.

MELOS PRIMVM.

Vnus ex  
 Cho.



ERNIS ut ardet celerare fugam  
 Meus hic ardor Dia Virago?  
 Forte relictis ardua terris,  
 Gremiumque breui succincta Deo  
 Vaga per montes pergit in astra  
 Clarior astris.  
 Quid ventorum pigra iuuentus  
 Quid tandem agimus?

Chorus O nobis lice at turbine florido  
 Ductricem superum ducere Virginem,  
 O quam facili sede feremus.  
 Super & pennas, humerosque super  
 Pondus dulce, dulce feremus.

C 2

Aeole

- Vnusex *Aeole quid cessas? ventos iunxit secundos.*  
 Cho. *Rumpo ventorum casenas, solue pennas flaminum.*  
 Alternis *Spirat illa amoris aura: mitte; conspirabimus.*  
*Flagrat illa amoris aestus; misce: conflagramus.*  
*Currit illa: nos concursabimus.*  
*Volat illa: nos conuolabimus.*  
*Confulgurabimus, si fulgur est.*  
*Confulminabimus, si fulmen est.*  
 Vnusex *Cella mundi Virgo soluit; solue pennas flaminum,*  
 Cho. *Rumpo ventorum catenas: nulla restat seruitus.*  
*Mitte ventos Aeole, Aeole ventorum Rex.*  
 Acolus *Comprime sonitum, sistite tumultum.*  
*Rauca iuuentus.*  
*Nam si pacis alumna*  
*Virgo Regina quietis*  
*Vaga per montes quarit olympum*  
*Maior olympo;*  
*Non ego vos patiar Caelo decurrere aperto*  
*Turba ferox, sacrumque diem temerare profanis*  
*Flatibus, ac tonitru; compefcite protinus omnes*  
*Nimborum fremitus, tempestatumque fragores.*  
 Boreas *Nullus fremitus; nulla procella*  
*De me sonabit Virgini.*  
*Sic spondet Boreas, Aeole crede.*  
 Zeph. *Sic spondet Zephyrus: Aeole crede.*  
*Nullus fremitus, nulla procella*  
*De me sonabit Virgini.*  
 Aust. *Nullus fremitus, nulla procella*  
*De me sonabit Virgini.*  
*Sic spondet Aust. Aeole crede.*  
 Eur. *Sic spondet Eurus, Aeole crede.*  
*Nullus fremitus, nulla procella*  
*De me sonabit Virgini.*  
 Chor. *Ventis crede bonis, Aeole crede tuis.*  
 Acol. *Flatus inanes, mobiles*  
*Stabilem, solidam feruare fidem?*  
*Non me libenter praebeo credulum.*

Nisi

*Novi ventorum ingenium fallax,  
Audax ventorum ingenium noui.  
Ni mihi constet iurata fides,  
Non præsto fidem.*

**Bor.** *Ego Boreas per montes voueo,  
Sic æternum dominetur hyems.*

**Zeph.** *Ego Zephyrus per campos voueo.  
Vernamque simul Chlorida testor.*

**Eur.** *Eurus ego per nubes voueo,  
Sic me florens aurora iuuet.*

**Aust.** *Auster ego per nimbos voueo,  
Sic me diues iuuet Autumnus.*

**Aeol.** *Verùm si Dominum fallitis Aeolus,  
Quæ periuros pœna manebit?*

**Zeph.** *Audi nunc Aeole Zephyrum. si fallit Zephyrus,  
Nullo cingat flore capillum*

**Ch.** *Nullo cingat flore capillum, si fallit Zephyrus.*

**Bor.** *Audi nunc Aeole Boream. Si fallit Boreas,  
Nullo tergat flabra sereno.*

**Chor.** *Nullo tergat flabra sereno, si fallit Boreas.*

**Aust.** *Austrum exaudi nunc Aeole. Si fallit Auster,  
Nullum possit fundere nimbum.*

**Chor.** *Nullum possit fundere nimbum, si fallit Auster.*

**Eur.** *Eurum exaudi nunc Aeole. Si fallit Eurus,  
Nullo viuât Sole renatus.*

**Chor.** *Nullo viuât Sole renatus, si fallit Eurus.*

**Aeol.** *Quid faciam? quàm saepe fides properata sefellit?  
Consilia in melius recident, ubi singula cernam.  
Ergo taciti consultemus.*

**Chor.** *Aeole quid cessas? &c.*

## MELOS ALTERVM.

**Vnusex Chor.** **R** *ES in præcipiti est. tu dormis Aeole? Virgo  
In montana abiit; media nos rupe sedemus?  
Aeole: ni postes aperis, furiata videbis  
Agmina ventorum patriam disscerpere montem.*

C 3

*Aeole*

Chor. *Aeole ni postes &c.*

Acol. *Sistite, fauebo, sistite.*

*Dulce ac decorum est, si sobolis mea  
Obsequium dignata ferat Matrona Tonantis.*

*Illud cauendum, nostra ut hac omnis opera*

*Indemnis, opportuna, frugifera fiet.*

*Quem vestrum iubeo Calo regnare priorem?*

*Dicite singuli,*

*Quem vestrum igitur prius emittam?*

Bor. *Mitte, Pater, Boream, Boreas cum stirpe sonora*

*Harpyas pepulit; fluctus cum pelleret Argo.*

Aust. *Harpyas Erebi Virgo disperdidit omnes.*

*Non opis ergo tua*

*Indiga Diua est:*

*Cave, ne mittas Aeole Boream,*

*Aeole, Boream, cave, ne mittas.*

Chor. *Cave ne mittas &c.*

Aust. *Nam si tu Boreae sceptrum concedis olympi*

*Horribili quatesacta metu natura gelascis*

*Frigore iam Virgo exanimata est.*

Bor. *Gestat à quantam in gremio fauillans*

*Matrona Virago,*

*Non timet illa gelu, quæ mundi frigora soluet.*

Aust. *Frigora si solues; non illi frigora grata.*

*Cave ne mittas Aeole Boream,*

*Cave faxis, cave faxis Aeole.*

Chor. *Cave ne mittas &c.*

Zeph. *Mitte Pater Zephyrum. Zephyrus pacator olympi*

*Festiuum teneris concinnat floribus annum.*

Eur. *Ipsa satis semet concinna est Virgine Virgo.*

*Nil opis ergo tua*

*Indiga diua est.*

*Cave ne mittas Aeole Zephyrum,*

*Aeole Zephyrum cave ne mittas.*

Chor. *Cave ne mittas &c.*

Eur. *Nam si tu Zephyro regnum per sydera donas;*

*Ludio ventorum puer hic eneruit olympi*

*Cincin-*

*Cinnamatus, casariatus*

*Flosculorum cyrrulis*

*Laxe præcinctus parasitus chloridis, orbem*

*Frangit delicijs, totumque effaminat annum.*

Zeph. *Delicijs pugnare Deum cum Virgine cernis:*

*Ergo decet clypeare papillas*

*Floribus, & vernis galeam fabricare corollis.*

Eur. *Non amat hac flores: fructum maturat in ulnis.*

*Cave ne mittas Aeole Zephyrum,*

*Cave faxis, cave faxis Aeole.*

Chor. *Cave ne mittas &c.*

Eur. *Eurum mitte igitur: nam ventis promptior Eurus*

*Afflatum cum Sole diem super æthera tollit.*

Zeph. *Aetbere demisit summo in sua viscera Solem*

*Pulchrior hac Aurora die per sydera victrix.*

*Nil opis ergo tua*

*Indiga Diua est.*

*Eurum contineas, Aeole, turbidum,*

*Cave ne mittas Aeole turbidum.*

Chor. *Eurum contineas &c.*

Zeph. *Euro si laxas celi permittis habenas,*

*Nubila contorquet, distendit, circinat, undas*

*Modò grandine, modò turbine, modò fulgure*

*Secum pugna rupto semper*

*Fœdere discors.*

Eur. *Pacis Diua parens satis est concordia mundo.*

Zeph. *Ergo pium ducet procul à discordibus annum.*

*Eurum contineas Aeole turbidum.*

*Cave ne mittas, cave faxis Aeole.*

Chor. *Eurum contineas &c.*

Aust. *Austrum mitte igitur: ventis facundior Ausser*

*In sobolem terras animas pluuiatibus undis.*

Bor. *Certa hac est sobolis pluuio gravidata Tonante.*

*Nil opis ergo tua*

*Indiga Diua est.*

*Austrum contineas Aeole morbidum.*

*Cave ne mittas Aeole morbidum.*

*Austrum*

Chor. *Austrum contineas &c.*

Bor. *Per nubes si iura dabit teterrimus Auster  
Inflator cerebri, fluida contagia pestis  
Afflabit misero, spirator plumbeus orbi.*

Aust. *Plumbeus est Auster? gerit intra viscera flammæ  
Virgo quibus soluat lentum vitium omne metalli.*

Bor. *Dignatur aurum flamma virginea unicum,  
Non attingit vile metallum.*

*Austrum contineas Aeolæ morbidum,  
Cave ne mittas, cave faxis Aeolæ.*

Aeol. *Si mihi vestrum quisque ex æquo.*

*Suspensas erit,  
Nullum ego dimittam, vel mittam proinus omnes.*

Chor. *Omnes, omnes, omnes, omnes  
Aeolæ mitte.*

## MELOS TERTIUM.

Aeol. *SI placet, hoc agite.  
Per certa ventos munera diuidam,  
Sed legem dabo singulis.  
Abi, tu Boreas, licet,  
Hac lege tamen iuratus abi.  
Suspensio per inane gradu lenissimus astra  
Nubibus absterfis illustri pingere sereno  
Cetera nil moueas; turbinem, & impetum  
Interdico.*

Bor. *O me beatum centies.*

Chor. *O te beatum centies.*

Bor. *Aeolæ ne timeas:*

*Cetera nil moueo. frontem vernantis olympi  
Stellarumque genas crispata luce recludam.*

Echo *CLUDAM. LUDAM.*

Bor. *Nubila cludam, ludamque simul,  
Ludetque puer clusus in utero  
Secumque festus orbis emicabit.*

Echo *MICABIT. ABIT.*

*Micabit*

Bor. *Micabit infans gaudio: sed letior  
Virgo abis in montes: nos hic etiam sedeamus?*

Echo *E A M V S. E A M V S.*

Chor. *Eamus omnes, omnes eamus, eamus.*

Acol. *Eure vola: per me poteris, si iura capeffis,  
Ne charo nimium potens sereno  
Sol artus tenera Virginis incoquat:  
Subinde olympum texe vaporibus,  
Nubium dependularum candicantis umbraculo  
Instar aurora tueare Diuam.  
Cetera nil moueas: turbidum, & impetum  
Interdico.*

Eur. *O me beatum centies.*

Chor. *O te beatum centies.*

Eur. *Aeole ne timeas,  
Cetera nil moueo. tantum me praeside rerum  
Squammatum aether nubilis argenteis  
Vultum conuelabit opacum,  
Cblamidemque feret simul albam  
Simul obscuram.*

Echo *C V R A M. V R A M.*

Eur. *Curam curabo hanc, ne Phœbus urat.*

*Vret Virgo caput ffigit*

*In Ioannis pectore.*

*Hinc rebus iam Pluto suis male conclamabit.*

Echo *A M A B I T. A B I T.*

Eur. *Cali puerum pupus amabit*

*Sed modo mater*

*Virgo abis in montes: nos hic etiam sedeamus?*

Echo *E A M V S. E A M V S.*

Chor. *Eamus omnes, omnes eamus, eamus, eamus.*

Acol. *Nunc tibi pandos fores Auster: sed iussa facesse,*

*Vbi Virgo ocellos noctis imperio dabit,*

*Tu nimbulo solutus*

*Sydera, Cali oculos, pluuia suffunde nitenti.*

*Sic scrupulam humor molliet orbitam*

*Nec seruos atri pulueris ingruet*

*In fa-*

*In faciem Dominae volantis.  
Cetera nil moueas: turbinem; & impetum,  
Interdico.*

*Aust. O me beatum centies.*

*Cho. O te beatum centies.*

*Aust. Aeole ne timeas,  
Cetera nil moueo: tantum mitissima Cali  
Tractabo molli brachio  
Fletumque per dulcissimum  
Nocturna coget astra collabascere  
Nimbus auræ dulce confusus.*

*Echo FVSVS. VSVS.*

*Aust. Fusus imber rore paruo  
Magnus usus Virgini  
Neque tamen vestis limbum  
Neque pectoris puluillum  
Neque verticis capillum  
Vna guttula irrigabit*

*Echo RIGABIT. ABIT.*

*Aust. Sinum Ioannis dulce rigabit  
Nimbus Charitum, nimbus Amoris.  
Hinc praepropera*

*Echo Virgo abit in montes: nos hic etiam sedeamus?  
EAMVS. EAMVS.*

*Cho. Eamus omnes, omnes eamus, eamus, eamus.*

*Aeol. Nunc verò procreate puer clementibus astris  
Huc ades ò Zephyre;  
Te penes imperium cali. dominare, triumphare.  
Terraque cum pelago sub tua iura fluant:  
Nam similis Domina es, quamuis discrimine longo  
Sudus es? illa serenior.  
Fertilis? illa feracior.  
Dulcis es? illa suauior.  
Floridus? illa beator.*

*Cho. Zephyrus Domina similis est,  
Similis Domino, similis Domina  
Zephyrus est. Hoc age Zephyre*

*Scena*